

Esmâ
Uveys
Öcalan
wefat kir

Rûpel 16



Serokê YNK'ê Celal Telabanî, dema nû ji Welat re nirxand:

'Herkes aştiyê dixwaze'

● Herkes aşti dixwaze. Herkes bawer dike ku Kurd heqê xwe bistin. ● Prosesa çareyên siyasî û demokratîk bi pêş ve diçe, ev proses êdî nema vedimire. ● Ez ne navber im. Lê ez dostê PKK'ê me. ● Ger 'ateşkes' dirêj bibe, dewlet ji wê şer bide sekinandin. Bi resmî nabêje, di fîliyatê de dike. ● Tiştê ku PKK'ê kiriye şoreşeke siyasî ye. Zimanê şo-

reşên politik û şoreşên çekdar ji hev cuda ne. PKK gerek e vî tiştî bike. ● Piştî ku PKK şerrawestî dirêj kir, dewlet şer bike wê şer ji Tirkên re gelekî xerab be. ● Şerrawestî, însiyatîfa Apo bi xwe ye. Ger Apo nekiriba tu kesî nikaribû bikira. ● Berê digotin "Mesela Kurdan tune." Îro herkes dibêje "Heye" û lazim e riya demokratîk vebibe. Rûpel 8-9



Serokê YNK'ê Celal Telabanî di şeva HEP'ê de.


Şerrawestî dirêj bû

● Şerrawestî ku ji aliyê PKK'ê ve di 20'ê Adarê de, ji bo 25 rojan yekalî hatibû ilankirin, careke din hate dirêjkirin, lê bi hin şert û daxwazan. Serokê PKK'ê Abdullah Öcalan, di 16'ê Nisanê de, li Bar Eliasa Lubnanê, ji bo beyankirina vê biryarê civîneke çapemeniyê li dar xist. Abdullah Öcalan, da xuyan ku ew bi temamî ji şerrawestî re sadîk mane.

● Lê dewleta Tirk şerê xwe bi hemû dijwariya xwe ve domandîye. Di nava van 25 rojên ku gerîla dest neavêtiye çek de, 11 jê ji xelkê, 30 jî gerîla 41 kes ji aliyê hêzên dewletê ve hatine kuştin. Lewre jî, ev şerrawestîna nû, dê ne yekalî be. Ger dewleta Tirk êrişên xwe bidomîne, dê gerîla jî bersiva van êrişan bide. Rûpel 5

Zaroostar, Zarathustra çutir bio Zerduşt

Dr. Alî Kiliç
Rûpel 12



'PÊWISTÎ BI XEBATA PROFESYONEL HEYE'

Pêwist e xebatên zanyarî yê muzîkî pêşve herin. Muzîka me, divê di meydanên navneteweyî de cihê xwe bigire. Divê operaya Kurdî jî hebe. Em bi hewceyê her cure miqam û awaz in, stranên gelêrî, mêranî, şoreşgerî û evîni, li ba me divê hebin.

Bi hunermend Ozan Şemdin re hevpeyvîn

Rûpel 11



ŞAÎRÊ MEZIN OSMAN SEBRÎ JI BO WELAT HELBESTEK NIVÎSÎ

Divê em xwe pêk binin ji bo felata xwe
Bijî serbilind wek çiyayên welatê xwe
Riya felatê pêş me dike, ew ravekar e
Li pêşberî gel û dîrokê berpîrsiyar e
Bijî welatê min ji bona te gorî can
Sond dixwim ku bibim pandî ji bo Kurdistan

Di rûpela 13'an de bixwînin

Elçîbey hêviya xwe ji Tirkiyê birrî

Şerê di navbera Azerî û Ermeniyên de çiqas diçe diwartir dibe. Tevî hewldana Rûsya ya ji bo lihevanîna terefan, heta niha tu encam nehatiye standin. Li gor nûçeyên ajansên biyanî, hêzên Ermenî di vî şerî de gelek gund û bajarên biçûk xistine destê xwe. Li hember Ermenîstanê, Tirkiye bi devkî alîgiriya Azerbeycanê dike.

Nûçeyên Derve- Şerê ku berî du hefte di navbera Azerbeycan û Ermenîstanê de ji nû ve dest pê kir, roj bi roj berê xwe fireh dike û bala dewletên cînar û yên Ewrûpî jî dikişîne ser xwe. Tirkiye, tevî ku herdem alîgiriya xwe ji bo Azerbeycanê tîne ziman, banga Azerbeycanê ya alîkariyê serguhê xwe re avêt û ev jî bû sebebê girîng ku, Serokê Komara Azerbeycanê Elçîbey, ji Tirkiyê bixeyîde û xwe nêzîkî Îranê bike.

Roja 13'ê Nisanê şeva Çarşemê di programa roja 32. de Serokê Komara Azerbeycanê **Ebulfez Elçîbey**, li ser tewra Tirkiyê wiha peyivî: "Em êdî ji Tirkiyê tu tişt naxwazin, me jê çar helîkopter xwest ji bo ku, zarok û jinên birîndar û

şerpeze xelas bibin, bes ev daxwaza me nehate cih. Vêca, piştî vê yekê emê çî ji Tirkiyê bixwazin. Tirkiyeya ku herdem bi devkî wek alîgirî me xwe nîşan dide, di meseleyek wiha heyatî de jî, çar helîkopter neşandin alîkariya me."

Di van gotinên Elçîbey ên xemgîn de baş diyar dibe ku, Elçîbey hêviya xwe ji Tirkiyê birriye û di bin van gotinên gazinî de, rexneyên dijar veşartî ne.

Li aliyê din Îran, xwe roj bi roj nêzîkî Azerbeycanê dike. Her çiqas Îran jî, heta niha tu alîkariyê berbiçav nedabe Azerbeycanê, dîsa jî di axaftinên serokên Îranê de xuya dike ku, Îran dixwaze di çareserkirina vê pirsgirê de roleke girîng bileyîze. Bi rastî, jixwe Îran



Serokkomarê Azerbeycanê Ebulfez Elçîbey û Serokkomarê Tirkiye Turgut Özal

bi awayekî mecbûr e dest bavêje vê meseleyê, ji ber ku, bi milyonan Azerî li Îranê dijîn û zorê didin Îranê ku di vê pirsgirê de bibe navber an jî alîkariyê bide Azerbeycanê da ku, Ermenî xwe bi paş ve bidin. Wekî din Îran dixwaze bi navberiyê, Azerbey-

canê û dewletên Tirkî bixebî bin tesîra xwe. Îran ji berê ve, vê ji xwe re wek hedefekî politîk dibîne û bi vê tevliheviyê fersend ketiye destê Îranê. Şerê navbera Azerî û Ermeniyên, wisa xuya dike wê têkilî û politîkayên nû derxe holê. Dewletên Tirkî ku heta niha

hêviyên mezîn ji Tirkiyê dikirin û xwe nêzîkî wê dikirin, bi helwesta Tirkiyê ya li hember vî şerî, plan û hêviyên van dewletên Tirkî serobino bûn û wisa diyar e ku, ji niha ve wê li têkiliyên nû bigerin û di hîlbijartina dost û dijminan de wê bi diqettir bin.

GOTIN

Yaşar Kaya



Hatina Mam Celal

Siyaset û dîplomasiyê germ derbas dibe. Serokê Yekîtiya Niştimanî Kurdistan Celal Telabanî (Mam Celal), heftiya çûyî li Enqerê bû. Partiya Keda Gel ji bo wî û hevalên wî nanekî êvarê da. Ji Gündemê ez, ji Yenî Ülke Ferda Çetîn, ji Welat jî Abdullah Keskin, em mêvanê HEP'ê bûn. HEP'ê gazî gelek Kurdan kiribû. Ji 30 salan vir ve, ev cara yekemîn bû ku, Kurd dihatin cem hev. Civîneke germ û xurt bû. Em giş dilxweş bûn.

Du sal berê, Mam Celal ji bo civîna Sosyalîst Enternasyonalê hatibû Stenbolê. Me wê carê jî hevûdin dîtibû. Her ku Serokê Partiya Karkerên Kurdistanê Abdullah Öcalan şer rawestandiye, Kurd gelek kêfxweş in. Giş

dibêjin aşîti baş e, şer bê vemirandin baş e, ji bo biratiya gelên Kurd û Tirk ev şert e.

Şoreşa Kurdistanê û pêşengê şoreşê PKK, di nav 10 salan de, dengê Kurd û Kurdistanê, doza Kurdistanê anî ber çavên gelên Kurd û Tirk, anî ber çavên dinê. Ji îro pê ve, xebat ji bo demokrasî û dîplomasiyê ye. Bila dew-

Şoreşa Kurdistanê û pêşengê şoreşê PKK, di nav 10 salan de, dengê Kurd û Kurdistanê, doza Kurdistanê anî ber çavên gelên Kurd û Tirk, anî ber çavên dinê. Ji îro pê ve, xebat ji bo demokrasî û dîplomasiyê ye. Bila dewletên Ewrûpa jî bizanibin ku, em ne terorîst in, em ji bo azadî û serfiraziya Kurdan dixebitin

letên Ewrûpa jî bizanibin ku, em ne terorîst in, em ji bo azadî û serfiraziya Kurdan dixebitin. Bi vê

gavavêtinê, gelek rê li ber neyaran hatine girtin. Bila dinya jî bizanibe ku, PKK dîplomasiyê, aşîtiyê û di nav demokrasiyê de xebatê jî dizane. Ev qezenca me ye û zehf giranbuha ye.

Di van rojan de gelek gav hatine avêtin. Partî û rêxistinên Kurdan tene cem hev û tifaqan çêdikin. Ev dîrokeke nû ye, ne tiştêkî hêsan e, ji destê kî tê bila bi germî destê hev bigirin û bibine yek. Yekîti jî bo me jiyan e, veqetandin jî mirin e. Ev rojên han, rojên mirin û jiyanê ne.

Mam Celal li Enqerê bi gelek Kurd û Tirkan re xeber da û dîtînen xwe got. Li dîtînen wan jî guhdarî kir. Ji Enqerê jî, berê xwe da Şamê û bi Abdullah Öcalan re xeber da û kifş e ku şerrawestî dirêj dibe. Riya aşîtiyê ve bûye. Di vê riyê de, çî bikeve ser milê kê, divê wezîfeya xwe pêk bîne. Xwîn bi xwînê nayê şuştin, xwîn bi avê tê şuştin. Di vê riyê de, xeletî bi mirina gelê Kurd û Tirk e. Em aşîti dixwazin, ne mirinê.

Li Afrîqa terora spiyan

Nûçeyên Derve- Sekreterê Giştî yê Partiya Komunist a Afrîqaya Başûr, di 10'ê Nisanê de, li ber derê mala xwe hate kuştin. Bi kuştina Serokê Partiya Komunist **Chris Hani** re, reşikên Afrîqaya Başûr rabûne ser piyan û bi milyonan karker bi banga **Kongreya Neteweyî ya Afrîqa (ANC)** û **Yekîtiya Sendîqayan** ve, dest bi greva giştî kirin.

Li gelek bajar û herêman meş û xwepêşandanên protestoyê li dar ketin. Li bajarên **Soweto** û **Cape Town**, di nav polis û meşvanan de şer derket. Di van bûyeran de 6 kes mirin. Di bûyerên xwepêşandana Soweto de, Sekreterê Giştî yê ANC'ê Sam Ntobane jî mir. **Sam Ntobane** di gullebarana polisyan de hate kuştin.

Serokê ANC'ê **Nelson Mandela**, li Sowetoyê, di stadyûmekê de, li dehhezaren gelê banga aşîtiyê kir.

Li aliyê din, li Cape Town'ê, ji bo biranîna Chris Hani merasimek li dar ket. Pîreka Serokkomarê Fransa **Danielle Mitterand** û bokso **Muhamed Ali** jî beşdarî vê merasimê bûn.

Şerrawestin bi şert dirêj bû

Navenda Nûçeyan- Şerrawestina PKK'ê ya ku PKK'ê di 17'ê Adarê de heta 15'ê Nisanê yekalî ilan kiribû hate dirêjkirin. Li gor Ajansa Reu-

ter'ê ku ji Bar Elîasê nûçe digihîne, şerrawestina vê carê de ne yekalî be. Serokê PKK'ê Abdullah Öcalan, di civîna çapemeniyê de, şertên şerrawes-

tinê diyar kir. Abdullah Öcalan şertên xwe wiha anîn ziman: "Divê hikûmeta Tirk jî, ji şerrawestîne re hurmet bike. Weke tê zanîn me ji 20'ê Adarê ta 15'ê Nisanê yekalî îlana şerrawestîne kiribû. Lê hikûmeta Tirk dev ji operasyonên xwe berneda. Em alîgirê şerrawestîne ne. Lê ger dewleta Tirk operasyonên xwe bidomîne, dê operasyonên me jî bidomin. Ji ber vê yekê, divê dewlet operasyonên xwe bisekinîne. Gerîla jî mêşin nîn in. Dema êrişek biçê bi ser wan ve, dê xwe biparêzin û bersiva van êrişan bidin. Li gorî şertan, dê mêjûya şerrawestîne diyar bibe. Dibe ku 3 roj be û dibe ku 3 meh be. Dê tewrên dewleta Tirk vê yekê tesbît bikin". Li gor ku diyar dibe, PKK di biryara şerrawestîne de samîmî ye. Divê dewleta Tirk jî, dev ji operasyonên xwe berde û samîmîyeta xwe îsbat bike.

Serokê PKK'ê Abdullah Öcalan, şertên şerrawestîne di 12 xalan de tesbît kir. Li gorî vê:

- 1-Divê operasyonên ku bi armanca îmhakirîne tene meşandin, rawestin.
- 2-Pest û îşkenceya ku li ser gel tê meşandin divê dawî lê bê
- 3-Divê cînaletên failî-meçhûl bêne rawestandî
- 4-Efûyeke bi giştî bê îlankirin
- 5-Mafên çandî bêne dayîn
- 6-Ji zimanê kurdî re serbes-

ti bê dayîn

7-Ën ku ji gundên xwe hatine koçberkirin, ji nû ve vegeirin gundên xwe

8-Divê rêveberiya taybetî bê rakirin

9-Zerarên gel bêne tazmînkirin

10-Sîstema cerdevaniyê bê rakirin

11-Ji rêxistinên Kurd re legalîte bê naskirin

12-Rê bidin rêxistinîya bi serbestî û siyasê

Abdullah Öcalan, wateya vê şerrawestîne û daxwazên xwe wiha diyar kir: "Em di riya federasyonê de gavan diavejîn". Li gor beyana Abdullah Öcalan, ger cerdevan çekên xwe ji ber xwe ve deynin, dê bêne efûkirin.

Serokê Partiya Keda Gel (HEP) **Ahmet Türk**, Serokê PSK'ê **Kemal Bûrkay** û **Celal Telabanî** jî beşdarî civînê bûn. Serokê PKK'ê Abdullah Öcalan li ser hatina heyeta HEP'ê ya civînê jî wiha got: "Ew ji bo ev pêvajoya aştiyê bidome, hatine vir". Di vê navê de, Ahmet Türk jî 2 pênûsên zêrîn diyarî Abdullah Öcalan kir û wiha got: "Bila çek rawestî û pênûs biaxivin".

RIYA YEKÎTIYÊ VEBÛ

Biryara şerrawestîne, di nav partî û rêxistinên Kurdan de jî, riya yekîtiyê vekir. Piştî şerrawestîne, di 19'ê Adarê de, Serokê Partiya Sosyalîstên Kur-

distanê Kemal Bûrkay û Serokê Partiya Karkerên Kurdistanê Abdullah Öcalan, li Şamê li hev civiyan û protokolekê îmze kirin. Bi vî awayî jî di têkoşîna rizgariya Kurdistanê de riya yekîtiya eniyekê neteweyî jî vebû. Dû re bi demê, di 13.04.1993'an de, bi Hevgirtin-PDK'ê re jî protokolek hate îmzekirin. Bi partî û rêxistinên din re jî danûstandin didomin.

HEYETA HEP'Ê JÎ ÇÛ CIVÎNÊ

Heyetek ji Partiya Keda Gel (HEP) jî, ji bo bi Serokatiya PKK'ê re li ser şerrawestîne hevdîtinan pêk bîne çûn herêmê. Serokê HEP'ê **Ahmet Türk**, mebusên HEP'ê **Sedat Yurttaş**, **Orhan Doğan**, **Sirri Sakik**, **Hatip Dicle** û **Feridûn Yazar**, pêşî li Şamê bi Celal Telabanî û Kemal Bûrkay re hevdîtinekê pêk anîn dê dî re bi serokê PKK'ê Abdullah Öcalan re civînekê bikin. Serokê HEP'ê Ahmet Türk, armanca serdana heyetê wiha anî ziman: "Em bi îrada gelê herêmê hatine hilbijartin. Wezîfa me jî li gor daxwazên wan, ji bo rewşa aştiyê bidome, xebatkirin e. Şerrawestîne yekalî nabe. Divê hikûmeta Tirk jî, politikayên xwe biguherîne. Aliyek bi tenê samîmî be, nabe. Divê aliye din jî samîmîyeta xwe nîşan bide. Daxwaza me ew e ku, herkes rewşa terore mehkûm bike".



Serokê PKK'ê Abdullah Öcalan

Li Girtîgeha Mûşê girtiyek şehîd ket

Navenda Nûçeyan- Grevên birçibûnê yên ji bo protestokirina pest û zordariyên li ser girtiyan ku, bi hinceta firaran tene meşandin, li 9 girtîgehan û bi beşdariya 402 girtiyan ve dimeşe. Grewa birçibûnê ya li Girtîgeha Meletê di roja 41'an de dawî lê hat. Grewa birçibûnê ya lêzimên girti-

yan ku li KMM (IHD) ya Enqerê dimeşiya, di roja 15'an de dawî lê anîn.

Li Girtîgeha Diyarbekirê jî 141 girtî, ev 64 roj in di greva birçibûnê de ne. Tenduristiya grevvanan nex weş e û dibe ku mirin çêbibin. Li Girtîgeha Konyayê, 9 girtî rojiya mirinê didomînin. Li Bucayê jî niha 60 girtî di

grevê de ne.

Li Girtîgeha Mûşê, yek ji girtiyên grewan ku, ji doza PKK'ê radiza şehîd ket. Şehîd Abdullah Fidan, li qawîşa 2'yan dima û ji 15 rojan ve di grevê de bû. Girtiyên din cendekê Abdullah Fidan di hundir de digirin û didin xuyan ku, ger mafên wan li wan venegerînin, dê ji greva birçibûnê derbasî rojiya mirinê bibin.

Li gelek girtîgehan hevdîtînen nûnerên girtiyan û ravedarên girtîgehan didomin. Lê hê tu encam ji van hevdîtînan derneketine.

Girtîgehên ku lê grevên birçibûnê didomin ev in:

Li Girtîgeha Amasyayê 12 girtî, li Ceyhanê 3, li Çanakkaleyê 21, li Diyarbekirê 141, li Bûcayê 60, li Konyayê, 10, li Mêrdîne 102, li Batmanê 44 û li Girtîgeha Ruhayê jî, 9 girtî.

Ber bi yekîtiya neteweyî ve

Navenda Nûçeyan- Bi bang û xebatên Partiya Karkerên Kurdistanê, di riya eniya neteweyî de gaveke din ji hate avêtin. Piştî protokola PKK û PSK'ê, ya ku di 19'ê Adarê de hatibû îmzekirin, niha jî di nav PKK û Hevgirtin-PDK (Hevgirtin-Partiya Demokratên Kurdistan)ê de protokolek hate îmzekirin. Di roja 13.04.1993'an de, Heyetek ji Hevgirtin-PDK'ê û Sekreterê Giştî yê PKK'ê, civînek çekirin û protokolek îmze kirin. Di vê protokolê de ev xalên jêrîn hene:

1-Hevgirtin-PDK, şerrawestîna PKK'ê ya bi şert û di encama vê de, vebûna riyên aşî û siyasî diparêze.

2- Hevgirtin-PDK, weke ku di protokola nava PKK û

PSK'ê de jî hatiye diyarkirin, ji bo yekîtiya eniyekê civînekê giştî pêwîst dibîne û ji bo ev civîn di demeke kurt de pêk were, xebateke bi hevkarî dipejirîne.

3-Ev herdu partî, ew xalên ku di protokola PKK û PSK'ê de hatine îlankirin berbiçav dikin û ji bo yekîtiya eniyekê neteweyî guftûgoya program û rêznameyê (tuzukê), li hêviya civîneke fi-rehtir ku partî û rêxistinên din jî beşdar bibin, dihêlin û di vê navê de biryara domandina civîn û hevdîtînan digirin.

Li gorî ku diyar dibe, ev pêvajoya nû ya ji bo yekîtiya eniya neteweyî, dê bi beşdariya partî û rêxistinên din hin jî xurtir û bihêztir bibe.

Dayîka hêja Esmâ Uveys Öcalan

Ji welatê xwe dûr, li xerîbiyê koç bû û çû ser dilovaniya xwe. Bila serê gelê Kurd sax be. Em dê tim dayîka sitembar bi bîr bin.

Xebatkarên Rojnameya Welat

SEDEQETÎ JI DAYÎKA UVEYŞ RE

Me sedeqeta xwe ya bi dayîkan re,
bi têkoşîna azadkirina ji bo jinan daye îspatkirin.
Maneya hewla bêdawî ya azadkirin, meşandin,
xwedî gotin, xwedî biryar û yekûna tevan
xwedî îradekirin a jinan, ev e.

Em bawer in ku, me bi xebatên
ji bo rizgarkirina jinan ên ji têkiliyên kirêt,
ji mengenan û ji şexsiyeta koletî,
bersiva pîroziya dayîkan daye.

Sedeqeta me ya bi dayîka Uveyş re wiha ye.

Ev sedeqet, ji hemû sextekariyan dûr e
û rûmetdayîna rasteqîn tîne zimên.

Bi vî aliyê xwe ve hem dîrokî ye
û hem jî îzahkirina heqîqetê ye.

Ev têkoşîna rakirina ser piyan a jinan,
dibe navê rûmetdayîna jinan û jiyandina
dayîka Uveyş.

**Sekreterê Giştî yê PKK'ê
Abdullah Öcalan**



Neynika ramanên mirovan, herikandi-
na jiyana wan bixwe ye.

Montaigne

Dîwarên di nav me de

Piştî şerawestina yekalî ji aliyê serokatiya PKK û li ser îmkirina neh xalên navbera PKK û PSK'ê di nav gelê Kurd de ên li Ewropa pîr pîrs û nezelaî derketin holê.

Ji bo zelalkirin û bersivdayîna pîrsên gel, ji aliyê berpirsiyarên ERNK'ê ve civînên gel pêk hatin.

Di roja 11.4.93'yan de civîneke mezin ji bo Kurdên bajarê Berlînê jî hat çêkirin. Di vê civînê de zêdeyî heftsed mirov amade bûn. Di nav van de, hevalbendên PSK

û gelek jî Kurdên parçeyên din cih girtibûn. Civînê bi zimanê parçekirina gel (bi Tirkî) dest pê kir. Me ji

"şaşkirên" parçeyên din tiştek ji civînê fêm nekir, lê wisa dihat xuyakirin ku her kes dixwaze zanebûna xwe ya zimanê Tirkî, bi yê din bide îsbatkirin.

xwe re qise dikir. Milet ji wî xwest ku ew dengê xwe kêmbike. Kalemêr ji civînê derket. Em çend kes jî li dû wî derketin. Me dît ku ew jî bi Tirkî nizane û bi


qehra (nerihetiya) xwe, bi xwe re qise dike.

Ew jî Kurdên Mêrdîne bû û digot: "Kurên min ev ne Kurdin. Ew Kurdîtiyê naxwazin. Heger xwedê neke Kurdistan azad nebe, ev dikarin xwe bi zimanê Tirkî xelas bikin, lê Kurdîtiyê, Tirkîtiyê dikin." Min

Civînê bi germî dom dikir. Kalekî por spî 60 heya 65 salî, diqeta civînê kişandê ser xwe ku wî xwe bi

soz da wî ku ez van gotinan ji bo rojnameya Welat binivîsim.

Borzoo, S.D/Berlin



ME DAYÎKA UVEYŞ WINDA KIR

Dayîka gelê Kurd û Abdullah Öcalan Uveys Öcalan ku bê şik û guman serokek herî mezin diyariyê gelê Kurd û mirovatiyê kiribû û bi vê jî derbasî dîrokê bûbû, wefat kir.

Dayîka Uveys, bi taybetî di salên dawî yê jiyana xwe de, bi her celeb zordariyên dewletê re rû bi rû bûbû û ji welatê xwe hatibû koçberkirin. Lê ew hertim ji têkoşîna kurê xwe ya bi rûmet, serbilind bû. Bi vê rûmetdayîne li hember pest û zoran li ber xwe da û weke dayîka hemû Kurdan derbasî dîrokê bû û dawî li jiyana wê hat.

Em dê hertim wê, ji bo xelata wê ya ji me û ji hemû mirovatiyê re bi minet bi bîr bînin û vê bîranîna wê tim bijînin.

Li ser navê hemû Kurdên ku li Ewropa dijîn: Mustafa Karasu-Kanî Yilmaz

KURD-HA, HUNERKOM, FEYKA, HEV-KOM, AGRÎ-VERLAG, Rojnameyên BERXWEDAN-SERXWEBÛN, Sentrûmên Çandî-Komîteyên Kurdistanî yê Almanya, Avûstûrya, Avûstûralya, Baçîka, Amerîka, Danîmarka, Fransa, Qibris, Qanada, Lîbya, Swêd, Holland, Îspanya, Swîsre, Îngilîstan, Yewnanîstan., Yekîtiya Esnafên Fransa, Qlûbên Sîporê: Botan, Cûdî, Dêrsim, Amed, Serhildan, Herekol, Gabar

TÎR

Musa Anter



Şîna şehîdê welêt Musa Anter

Ey heval Anter, ey şehîd Anter
Gernas û mêrbaş, zana û rêber
Jiyana te, tev têkoşîn û şer
Pêşberê dijmin te netewand ser

Ey heval Anter rabe, roj hilat
Ban ke Sedîq û Huseyn û Wedat
Hafiz û Cengîz, şehîdên welat
Dema xewê çûye, dema xebat

Zû rabin, werin alîkariya min
Xweş nekin li min, hûn kêfa dijmin
Ev barê giran, ma ser piştê min
Barek giran e, dûr e riya min

Barek giran e, riya min dûr e
Riyek bi tirs û zehmet û zor e
Hemî zinar û kort û şaxor e
Gur û hirç, hawêr dîkin qor qore

Rabin, bigirin qelem û dewê
Binivîn hûn nûçeyên welêt
Dijmin welatê me kir ar û pê
Xwîna biçûk û pîr û jinan rêt

Bextê me û yê gelê me yê reş
Bûbûn pêşiyên me, diz û keleş
Welat tarî bûbû, wek şeva reş
Lê bo me, hilat du heyvên pîr geş

Welat rohnî kir wan herdu heyvan
Belav bû ew tarîtiya şevan
Ew du seydan e, rohnîya çavan
Pesnên wan nayê gotin bi peyvan

Yek Cegerxwîn e, yê dinê Anter
Bo gelê me bûn seyda û rêber
Ronahî kirin, welat seranser
Keda wan e ev serhildan û şer

Ey heval Anter seyda yê delal
Ji biçûkî ta bûyî pîr û kal
Ji bo me bûyî, tu find û şemal
Bûyî zimanê gelê kerr û lal

Belê dijminê tirsok û bêbext
Çavên wî kor bin, destên wî bin şeht,
Xwîna te rijand, ser axa paytext
Axa Amedê cihê tac û text

Gelê Kurd hemî ketine xema te
Reş girê dane, dîkin şîna te
Sond dixwin hemî, bi vê gora te
Bernadin tu car wê rêçika te

Şagirdê te me, ser riya te me
Barê min giran e, hemî xem e
Digotin Mela Dîno sersem e
Lê roja min hat, ev dinya dem e.

Mela Dîno / Îskenderûn

Mille Abdurrahman Durre amê Paris. Paris, bi rijio. Paris bi vëso. Ma juvin de jede qesei ni kerd. Ma juvin jede ni di. Nizon, çinarê dina, honde, girsa hira a. cutir beno na dina nûya bena tenge dina çixas honde "sirtmala kivarê" ti vana. "çeune ma ber kerdo siê Kertê Mazgerdi warê, zalimu axir makineyi saz kerde, tem û cênze ma estê te virarê..!"

Mille Abdurrahman Durrê Paris de, mi ra fame name Zaroastar pers kerd. Waxt çine vi khe ma piya qesei bi kerime. Avê, tene name Zaroastar sero movet bi kerime. Nika dūr a dūr çixas movet beno khe! Seveta wendiskarune Rojname Welatî, ma qesûne hu pers kerime. Zaroastar kam o? Laze kami o? Kamij welatte amo riê dina? Namê Bakil û Dakil a Zaroastar çik o? Zaroastar çutir bi Zerdüş? Zaroastar eve kamij zon Zend û Avesta vraste? Zend û Avesta ra qêri zovina Kitave Zaroastar este çin e? Eve zovina qese, dokrina Zaroastar çik a? Axura Mazda çik e? Laê Zaroastar û Axura Mazda çik e? Zone ma da ma vame "Hez ka heur xura, ma ci ra az da." No bio, a xu ra ma az da-Axura Mazda. Eve vatena raste, ma asmen ra ame ime riê dina, eve zovina vatis, heur xura bulsk est, ma roja esmen ra ame ime riê dina. Estena ma adir a, khil rosta tija. Demokritos, tolive na doktrin o. Reze ne dina adir o.

Ev qesa raste. Zaroastar sero, zof kar amo vrastene. Ez wuazon na karu sero tene movet bi kerime. Me tene dūr şime. Gama virene bierjime. Şime dina khane.

Greke Asia, Hezreti İsa ra 500 sere avê. Herodotos ra avê sera 516 de Ksanthos e Lydia, waxto khe merdena Darius sero qesei keno, qese hu ano. Tertêlê Smerdis (1) ser. Vatena Ksanthos khe rasta, name Zaroastar, zone Zend ra amo. Zone Zend de name yi ZARATHUSTRA o. Zone made fame namê yi. Za/ ra/ th/ust/ra, eve, zovina qese ma vame, zeria roe tu/ ustra. Zone ma de verba raustene esta juki, ro estene esta. Eve verba virene, ma vame "urze, ra urze, raustena milete ma bê perodais nê beno.." Eve verba diyine, ma vame. "Dê urze/ urzê/ çûaveke Ma û pi Khalkûne hu bide!". Waxto khe veng danera Haqî, u waxt "Ala urzê! urzê!.."

Clement vano, fame name Zaroastar Zo/sa/ro/ (e) asteros o. Avê zovina qese. Zo/ ro/(ê) asterêi o= Zaroaster. Ma zone me khe, astareî pesewe taride rost dane. Siperde rosta tijde ma astaru nê vineme. Roe astaru, rosta tija a (roja).

Cosmas vano, fame namê Zaroastar Zone Grekide Ζαροαστρον Diogenes Laertios vano, vatena Ksanthos e Lydia khe rasta. Zaroastar Hezreti İsa re avê sera 1082 da amo riê dina (2)

Filozof Platon dialogue hu Alkibiades I (sura 122 a) de vano khe Zaroastar disipline filozofia zanista sero gureo. Zend û Avseta re qêri yi Fizik sero, ekonomî poltik sero, hire kitabi bin vrastê. Ev qesa raştîe Platon doktrine Zaroas-



Zaroastar, Zarathustra çutir bio Zerdüş

Mesela girse, Zaroastar sero, vatena mi çik a? Avê Zarosastar eve sene Zend û Avesta vrastiv? Zone Zend esto, çin o? Ekhe esto, fame zone ma çik o? Zone ma de fame? Zaroastar çik o? Axura Mazda çik o? Ma vame, Zaroastar Persiz ni o, İraniz nio.

Dr. AÎ KILIÇ

tar rind zonen o, nasken o. Filozofia Platoni de caê Zaroastar pil o, girs o, gran o. Çina re? Seveta çina i honde ca Platon dano Zaroastar?

Suidas vano, Zaroastar, zona-xe (filozofe) Medu no **Σοφος Περσο Μηδος** Zaroastar **ΠΕΡΙ ΦΥΣΕΩΣ** Peri fuseos (Kainati sero) Karzanista ardo ra zu (3). Vajime khe sera 1082 da Zaroastar amo dina, yi prensibe dina sero zonayis peida kerde, hard û asmen sero, astaru sero rosta tija asmen sero kerzanista vrasto, fame na hipotez çik o?

Proclus, na çor kitave Zaroastar wende, Proclus i ra tipia. Clement ê Alexandria filozofia dina sero gureo. Ma zone me khe Porphyrus suxtele plotiosi o, vrastkare doktrine newe-platonizm o. Waxto khe Porphyrus,

Politheia (politika) Platoni wenda, Eizagoji vrasto. Yi sanika ER î de cao girs dove Zaroastar, hurendia Er î Zaroastar gureta. (4).

Zeller, filozofia Herakleitos sero (5) tene gureo. Vatena Zeller her waxt rast ni a. Eva vatena Herakleitos, waxto khe mordem merd, roê yi çewres roj, çewres sewe bine ondoli de berven o. Ro yeno were pirde momini uska berven o. Pirde Momin bin ra u a çem son a. Çem hen çem o, heni ku çem ni o. Tua qaim ni o, her çî vurin o. Vurnais, ju ua çem yeno sono. Ro khe çem ser şî bover endi çem, çem ni o endi u zovina çem o. Kes bese ni keno şero bover çemî, naver çemî bover o, bover çemî naver o, Waxt û mêkan ji ua çem yen o, son o, her çî ju ua çemî Waxt û mêkan vurin o. Lewin o. Ua çem, yen a son a,

vurin o. Pirde Momin ni vurin o. Ev qesa raste, Herakleitos bine tesirê filozofia Zaroastari de mendo. Pilnus, vano khe Demokritos, Pythagoras siê Media siê Ethiopa, siê Egypte, uska tolive Zaroastar i gost dê.

Aristoteles, Metefizika ho de vano khe filozofia Herakleitos i bine têsirê Zaroastar de menda. Aristoteles vano. "Gereke Herakleitos' e Efesos i Zaroastrism rind nas bi khero." (6). Eve qesa rastê, Heraklide Kyme û Dinon **ΠΕΡΣΙΚΑ** (Persika) de filozofu sero, vatena hu ane ra dust.

Herakleitos ra avê zovina filozof biê. Aristoteles waxto khe **Περιφίλοσοφίας** (Peri Filosofias) vrast, yi ve hu Persika Dinon' i û Hêraklide Kyme, wendivî. Heraklide Kyme vano "Zaroastar hetê Deryaê Girşi ra amo."

Derya o Girşi ra koti o? Zaroastar amo kot i? Plutarkhos vano khe, "nê mordemi cao hene ra ame khe çor hete welate yine Derya o Girs o." (7) Na welat koi o? Name na welat çik o? Plutarkhos vano taê Magi "Oromazes (Axura Mazda) erde tê lewe." Avesta de vano khe. "Ma Tishtrya re, seveta na astarê sere spedi re (Axura Mazda) qirwanu keme. Tê dê astareî binê mayata (Axura Mazda) de re. (8) Tishtrya. Haq o, jar a. Na jarê ua dosteni dan a. (Yasth.111.4). Zarok ê Tishtyra.

Aristoksenes, tolive Pythagorasi o. Vano, waxto khe Pythagoras şio fetelio yi ve hu tolive Zaroastar gost de. Vatena Plinus, na qesu tene kena araze.

Mesela girse, Zaroastar sero, vatena mi çik a? Avê Zarosastar eve sene Zend û Avesta vrastiv? Zone Zend esto, çin o? Ekhe esto, fame zone ma çik o? Zone ma de fame? Zaroastar çik o? Axura Mazda çik o? Ma vame, Zaroastar Persiz ni o, İraniz nio.

Eve vatena mi, zone ma de hir û çor fame name yi este.

1. Zar o, a) Zar zono. Ma vame zan ra "Zu ra", "Zon ra", "Zan ro", "Zar o".

2. Zar beno Zer, a beno e. Ma ma vame zeria min a bele yaki Zaria mina bele, Zeria, qelv o. Her çî erjino qelve mordemi. Mordem ev zeria hu ya bele Haq naskeno, ya ki nas ni keno. Na fame Zar qelv o. Qelve A Stari o. Qelve Astari o, astareî, o (a star e). Eve qesa kilme fame Zaroastar, Qelve haqî o. Qes o rast o.

3. Astar, astare sere spedi o. A star Haq u Haq o. Rosta qelye yi Haqî a. Ma vame "Haq tua ve stara tu ni kero. A starre rie esmen de tède wuasteni a mordemi o.

4. Zar, kaê taliê mordemi o. Zar estene, qedere isoni o. Zar bi ane, derde qedere ho ra, bê hal menden a, ma vame, ma bime zar û wari.

5. Zar Zer o, Zerd o. Na zerdinini, rengê khila rosta astari a. Eve na vatene, Zaroastar, renga khila esqe Haqî o. Zarathustra o. Zone made fame namê yi, Za/ra/th/ust/ra, ave zovina qese ma vame, zeria roê tu/ ustra. Nu astare sere spedi o. Fame name Zaroastar zo/sa/ro/(e) asterso o. Zaroastar, İraniz ni o. Persiz nio. Zend û Avesta, eve zonê ma wa. Persi ra avê wa. Qes o Pil o khe ma pers keme, ZEND AVESTA khe Zaroastar vrasta ave kamij zon vrayia? Zonê Zend ia? Ya ki ni. Ek he zone Zendi a. Zone Zendi Zone Medun o? Ya ki nio? Tez u Hipotez sene Zonayis yiskaru dina ser çik e?

- (1) Herodotos, Historia, 111, 61
- (2) Mesina, 11 Sasuyani nella tradizione Iranica Roma P. 175
- (3) Suidas, De religione veterum Persarum, 1760 p.345
- (4) Mras, jitzungsb. Akad. Berlin, 1993, 253, N.2
- (5) Zeller, Philos der Griechen III, le abt, p. 1038
- (6) Aristoteles, Metaphysica, p.1091.b, 855, (F,14, Diels)
- (7) Plutarkhos, De facie In orbe Luna-e, 26, p, 921, AB
- (8) Plutarkhos, De Iside, 47 Fr D4 (p, fl, 127)

Diyarî ji bo rojnameya delal û xweşik: Welat

Bijî Welat

Osman Sabrî

**Divê em xwe pêk bînin ji bo felata xwe
Bijîn serbilind wek çiyayên welatê xwe**

**Berên xwe nedin hevdu û şerên hev nekin
Bes riya gelparêziyê li pêş wan vekin**

**Welat ji me dixwaze xebat û têkoşîn
Ne canxulamî, nokerî û serî danîn**

**Serê ku bête danîn tu car nayê hildan
Bi qelsî kes nebûye xwedî rûmet û şan**

**Rûmet serxwebûn e, di gel ramanek xweser
Holê ji bo gel em dikarin bibin rêber**

**Rêber serî ye, nabe li pey gel bimeşe
Tu car natewe, mirin jê re gelek xweş e**

**Riya felatê pêş me dike, ew ravekar e
Li pêşberî gel û dîrokê berpirsiyar e**

**Rêberî ne karê tewtewe û qelsan e
Dijî koletî, canxulamî û pîsan e**


**Bi qelsî nikarin serên xwe hildin, rakin
Welatê xwe bistînin, gel tê de azad kin**

**Divê bi xurtî, em berên xwe bidin neyar
Bi jîr û zanatî millet bikin hişyar**

**Bijî welatê min ji bona te gorê can
Sond dixwim ku bibim pandî ji bo Kurdistan**

Şam / 11.2.1993

AZADÎ



Abdurrahman Durre

Keşîşê Ordunê û çêlikên Enqerê

Li Ordunê li gundekî xiristiyana keşîşekî (papaz) pîrr sextekar, vîrek û durû hebûye ku xelkê gund ji derew, fesadî û qeşmeriyên wî bêzar bûne. 'Îllelah' gotine. Bi tu awayî ji bela, gemarî û sextekariya wî xelas nebûne, lê şaş, mat û muhayer mane.

Rojekê rûspî û rêzanên gund li hev dicivin û vê biryarê didin ku, xelkê gund hemû bibin misilman û bi vî awayî ji keşîşê fendî, qeşmer xelas bibin, meleyek misilman were nava wan û keşîş bicehime here, pêsîra xelkê jê xelas bibe.

Xelkê gund hemû radibin, bi jin û mêr ve diçine cem muftî û dibin misilman. Ji muftî re dibêjin: "Tu meleyek baş ji me re bişîne". Muftî jî dibêje: "Ser çavan û ser seran. Ezê ji we re meleyekî baş bişînim".

Demîrel, Înönü û Türkes heta niha digotin: "Newroz Cejna agirperestan e, qedexe ye, komînistî ye." Dema dîtin ku gelê Kurd destê xwe jê nakişîne û Newroz bûye nişana şoreşê, rabûn bi hemnîjadên xwe re, di şeva Newroza Kurdî de, li Antalyayê li hev civiyan û Newrozê pîroz kirin.

Xelk şa dibin û dizivirin gundê xwe, dibêjin: "Elhemdulillah ku em bûne misilman û ji bela keşîş xelas bûn". Dema vedigerin gund, mêze dikin ku, keşîşê wan şaşika mele daye serê xwe, cubbe li xwe kiriye û derketiye ser

banê dêrê, bi dengê xweş û bilind azan dide. Gundî şaş dimînin, bawer nakin, dibêjin belkî ne ew keşîş e. Nêzik dibin, bala xwe rind didinê û dibînin ku, bi rastî jî keşîşê wan e. Pîrr şaş dimînin. Keşîş ji wan re dibêje: "Ez ji zû ve çûbûm cem muftî efendî û bûbûm misilman, min ji tîrsa we newêribû bigota. Piştî ku hûn jî elhemdulillah bûne misilman, muftî efendî destûra min da, xeber da min, ez jî bûme meleyê we, dêr jî bû mizgeft. Misilmaniya me tevan pîroz be. Jixwe haya muftî efendî jê heye, ji zû ve qadroya min şardiye, min ji we vedişart". Dema ku keşîşê sextekar wilo dibêje; gundî mat û şaş dimînin. Bawer dikin ku bê lêdan û kuştin ji keşîş û bela keşîş xelas nabin. Bi jin û zarokan ve radikin çekan, êrişî keşîşê sextekar dikin, ser û guhan lê dişkînin û hûr dikin, berdidinê ji gund diqewitînin.

Demîrel, Înönü û Türkes jî, heta niha digotin "Newroz cejna agirperestan e, qedexe ye, komînistî ye". Dema ku dîtin gelê Kurd bi xwîna xwe cejna xwe ye neteweyî pîroz dike, dest jê nakişînin û Newroz bûye nişana şoreşa Kawayên Hemdemî, pêt û şûleya agirê wê daye hemû cihanê û natemire, tu kes êdî nikare pêşiya wê bigire. Demîrel, Türkes, Înönü û Özal çakûçê Kawayê Kurd dane destên xwe û bi hemnîjadên (soydaşên) xwe re, di şeva Newroza Kurdî de, li Antalya civiyan û serê gur bi ser xwe ve darda kirin û bû zûqîna çêjikên Ergenekon û wiha gotin: "Newroz cejna Ergenekon e û cejna me ye. Gur jî nişan û sembola me ye, Tirkek bi berdêlî dinyayê ye, herbijî Newroza me û zûqînên guran".

Divê ku em jî bibêjin: "Her bijîn melayên me yên nû û keşîşên kevin, herbijî cejna Ergenekon û guran".

Gelî zarokên bi nirx, hûn berxwedan bin. Hûn zarokên îro û bav û bavpîrên pêşerojê ne. Ev çîroka ku ezê ji we re bibêjim, rastî tê de nîn e. Tev virr û derew in. Ez nizanim ev henurmendî çawa derbas bûye nav çand û wêjeya Kurdî. Me Kurdan çawa ew ji xwe re kirine çîrok, va ye nimûneyek di destê me de heye. Çîroka me wiha ye.

Hebûn sê bira keleş, kul (veba) kete wan bûne şeş. Berşeke wan hebû, binî qul bû, goşt tê re diket û av di binê beroşê de dima. Bira tev çûbûn çolê seyî û nêçîrê, yek ji wan li malê mabû. Ewqas goşt xwaribû, westîbû û pal dabû ketibû xewa şîrîn. Ser simbêlê wî gelek dohn girtibû, tajî ji derve hat û ser simbêlê wî alast. Ê keleş ji xewa şîrîn veciniqî û got "Tî dî!" Tajî jê behetî, bi xwe de rî, cawê sor û spî. Êvarê bira tev ji çolê hatine malê û doza cawe sor û spî kirin. Ka wê kîjan ji wan ji xwe re bike kiras. Li hevdu nekirin. Rabûn gotin: "Emê biçin bal yekî zana aştiye, ka ev caw wê para kîja ji me bikeve."

Rabûn dan ser rê çûn û çûn û çûn, laqî (rastî) kalekî bûn. Kalo ji wan pirsî; gote: "Lawên min bûyereka li we qewimiye ka derdê we çi ye ji kalikê xwe re bibêjin." Rabûn derdê xwe ji kalikê zana re şîrove kirin. Kalo gote wan: "Ev gelekî hêsaniye, Kî ji we virreke (dereweke) mezin bike wê cawê sor û spî yê wî kesî be." Li ser hunermendiya virra biryara xwe dan.

Birayê yekemîn dest pê kir û got:

- Berî niha bi çend salan hewarek li gundê me çêbû, em gundî tev bi hewarê ve çûn, li hêla bezê min du dendikên kundiran li ser riya xwe xistin bin axê (bin erdê). Çaxa ku em ji hewarê zivirîn, em çî bibînin,

Virr û derewên mezin

I. OMERÎ



lemeke kundiran şîrî hatiye û her şaxekî wê lemê yek km. fireh bûye. Kundirek bi qendî (qasî) kaşekî di nav wê lemê de mezin bûye, bistîkê kundir gelek qalind bû, em heft gund lê civîne bi birrek û biviran (tevir) heta me bistîkê wî birriye. Me heft gundan li hev par kir û salekê têrî me her heft gundan kir.

Birayê duyemîn gote ya min ev e:

- Berî niha bi demekê, Xwedê saleke gelek bi xêr û bereket ji me re bexş kiribû. Ew sal çandîni pîr baş bû, yekê 40-50 diavêt. Min ji xwe re genim çandibû, bendereke min a bêqedar hebû û min bender hilanî, ji wê benderê çar liban (tane) genim ji me re hatibû. Min genimê xwe xiste terekê ku ez bibime aş û bibe arvan, ji bo zivistanê nanê kulfet (kulfet) hebe û zarok birçî nemînin.

Serê sibehê bi bangdana mele re, min kerê boz ji afir derxist û kurtanê wî lê kir û bar avête ser piştê kerê şamî. Kerê me bar hilneda û di bin bar de çok da. Min rabû gayê quloçmezin anî, wî jî bar hilneda. Min de-

veya cîranê xwest û anî, ew jî di bin vî barê giran de ranebû ser piyan. Ez mame reben û bêçare. Dîkê me weke her sibeh bang da û serê min zehf jê êşiya. Min bi qirika wî girt û gote: "Tu bimirî tu bimînî ezê vî barî li ser piştê te bikim û tuyê bibî heta aş." Min têra genim avêt ser piştê dîkê xwe, min dît dîkê min tege tege di bin barê xwe de meşiya. Ez gelekî kêfxweş bûm, me riya aş girt û em meşiyay, em gihîştin kêleka (qiraxa) çemekî. Dîkê min nekaribû tevî barê xwe wî çemî derbas bike. Min barê wî ji ser piştê wî danî û her çar libê genim yek bi yek bi kuçkanîkê xwe avête wî rexî avê. Belê ez çî bikim çûkekî li hewa êrîş kire libên genim û yek ji wan xwar û winda bû. Ez û dîkê xwe derbas bûne wî allyê avê, min genimê xwe danî ser hev, yek jê kêmbû, hembeî hev nedibû. Min him û latên mezin jî dane ber, dîsa berbeî hevdu nebû û min tu çareserî tê de nedît. Careke min dît çûkê ku genimê min xwariye, wan di ser serê min re dirêse. Min got: "Hey bêxwedî ma, ma te çî kir ji

min, te serî li min gerandî" û min rahişte kevirêkî xiste kuçanîke xwe avête çûk, li berkurka wî ket û genimê min jê hate xwarê. Min genimê xwe dît û xiste têra ducemî, avête ser piştê dîkê xwe, bêteşqe em gihîştin aşê. Min barê dîk danî û ez çî bibînim, birîneke fireh di piştê dîkê min de vebûye. Ez geriyame li bal bijîşk û zanistan (zaneyan) ka dermanê birîna piştê dîkê min çî ye û wê çawa peyde bike. Mirovekî gote min: "Dermanê birîna dîkê te gûza Hindê ye." Ez geriyame li navçe û bajaran, pirsî gûza Hindê kirî, lê min tu guman û agah jê hilneanî. Li vegeerê mirovekî gote min: "Berî niha bi heft sala min qetek gûza Hindê xwaribû, were bi pijikan, bi ber diranên min keve, ka tu karê çiqas bermaya gûza Hindê ji navbera diranên min derxîni." Ez bi pijikan li navbeyna diranên wî xebitîme û min sênîkek bermaya gûza Hindê derxist û anî danî ser birîna piştê dîkê xwe. Qerasha arvanê min kire ard û me xiste têra rengîn, ez rabûm derketim derve ku dîkê xwe amade bikim ji bo bar û

rêwîtiyê, ez çî bibînim. Li ser piştê dîkê min dareke gûzê şîrî hatiye, çîre çîre çûkan li ser darê ne. Min kêstekek axê avête çûkên serê darê, bûye hêre hêre cotkaran li ser darê. Ez rabûme bi darê ve hilkişime, çûme ser darê. Ew axa ku min avêtibû çûkan bûye beriyekê weke ya Qoserê (Kiziltepe), cotkaran cotê xwe û paleyan palehiya xwe dikirin. Ez gelekî tî bûbûm, vegeeriyame nava bostanekî (werzekî) min şebeşek (zebeşek) ji lemekî jê kir, min şilfika xwe (kêra bêkalan) li şebeş xist, belê şilfika min di nava şebeş de winda bû. Min destê xwe li pey şilfikê daxiste nava şebeşê, lê peyde nebû. Min xwe bi serî ve berda nava şebeş, sed maşelah ji navê Xweda re ez ketime nava bajarekî weke Amedê. Bajarekî mezin e, bêserî û bêbinî ye. Min got heye tune ye şilfika min li sûka hesinkaran e. Li serê kolanê min ji hesinkarê yekemîn pirsî. "Ma haya te ji şilfika min nîn e?" Gote min "Birazî berî niha şilfikek ji min re anîn, min heft gîsinê Helebî jê qedandî û min daye cîranê xwe." Ji destpêka kolanê heta dawîya kolanê her hesinkarê heft gîsin jî, ji şilfika min qedandibûn, hesinkarê dawî şilfika min daye min. Min lê meyzandî, ji qulpika wê pê ve neçûbû.

Kalo gote keleşê sêyemîn: "Ka tu karî çî bibêjî." Keleşê sêyemîn gote: "Mamê hêja û zanist, ez çî reben im ku, ez karibim virreke weke vî virrê bikim. Em bira tev ji mafê xwe ketin. Caw, cawê duyemîn e."

Erê zarokên bi nirx û hêja, berî niha ev çîrok, virreke herî mezin bû. Ema îro virrê ku desthelatdar û rêvebirên dewletê dikin, ji virra nava vî çîrokê hin mezintir in.

Hûn berxwedan bin û bi dê û bav mezin bibin.



Çend gotinên lîstikan

(JI BO HILBIJARTINA BÛKA LÎSTIKÊ)

Kalo Kindo/ Çala çema/ Mişka Ema/ Tasa nesî/ Ga û nexvî/ Hap-pete/ Zappete/ Kurfîle min/ Eyarî te.

Yek dudo/ Bawer sisê/ Çeqla fisê/ Memo dîno/ Li kevrêşîno/ Qesra Elî/ Çardeh derî/ Yek jê Tetter/ Yek jê Meter/ Nêhrî kever.

Sekkê sekkê/ Seranekê/ Gula çepo/ Çepil mizo/ Xana guzo/ Dosta îne/ Şer mizgînê/ Libek tirî/ Dixindirî/ Şam û şeyî/ Qûl qûleyî/ Nigleyî/Li piştê te yî.

Sat Axa/ Setil Axa/ Hillîfî/ Milîfî/ Çeqçûlîfî/ Her tutik/ Bawer tutik/

Şêx Galanê devrûtik.

Sekkê Sekkê/ Seranekê/ Dabiskanê/ Gula Çepo/Çepo Mijo/ Dara gujo/ Libek tirî/ Dixindirî/ Du marê reş/Du gulê geş/ Mîr Xatûnê ez û tu xweş.

Ro derket/ Mizgîn derket/ Xidir bazî/ çortan dizî/ Çû ser darê/ Pif kir karê/ Kar melisî/ Gur fetisî.

Yek û yek/ Tayrikê belek/ Zaza bilbil/ Dermanê dil/ Şekir û şima/ Li ber çeman/ Çemê Zazê/ Av tê nema/ Ez kuncî/ Tu kuncî/ Ser textîkê narincî.

Çîrokê/ Çivanokê/ Golika Xanê/ Çû meydanê/ Sa berdanê/

Negihanê/ Kevçiya werî/ Ji kevçîdangê/ Savêr were/ Ji hebanê/ Da xortê malê/ Bixwe noxşicanê/ Dîwêr got xir/ Pîrê got pîr/Sofî got rihka min/ Bi ser de kur.

Herhopê/ Qertopê/ Pezikê Mîra li ku diçêre?/ Li Zozanan/ çî dixwi?/ Gul û giyanan/ Çî dirî?/ Safî herî/ Daweta kîjan qîzê?/ Ya hin de qîzê.

Çîrokê/ Çivanokê/ Rûnê rokê/ Berda cokê/ Cok mirçiqî/ Rûn berriqî/ Golika Xalê/ Çû pişt malê/ Ne guran xwar/ Ne dizan bir/ Go be-e û behecî.

Berhevkar: Jîr Dilovan



Esmaya Uveys Öcalan wefat kir

Diya Serokê PKK'ê
Abdullah Öcalan
Esmaya Uveys Öcalan,
roja 11'ê Nîsanê li gundê Mîsîs
a Edenê rehmêt kir. Cendeka
Esmaya Uveys Öcalan
li ser wesiya wê, li gundê Omerlî ya Xelfetiyê,
bi beşdariya 2500 kesî ve hate binaxkirin.
Gelên ku xwestin beşdarî
cenazeya Esmaya Uveys Öcalan bibin,
li ser riya Xelfetî û Omerliyê hatin sekinandin
û hêzên dewletê nasnameyên wan civandin.
Hin ji xelkê nexwestin nasnameyên xwe bidin
û ev rewş protesto kirin. Tevî van rêlibergirtinan,
2500 kes beşdarî cenazê bûn
û darbesta Esmaya Uveys Öcalan
bi ala kesk û sor û zer ve xemilandî
hate binaxkirin.
Li ser mirina Esmaya Uveys Öcalan,
gelek sazî, komele û rêxistinên Kurd
mesaj belav kirin.
Hin ji rêxistin, sazî û komeleyên ku
mesaj belav kirine ev in:

KURD-HA,
HUNERKOM,
FEYKA, HEV-KOM,
AGRI-VERLAG,
BERXWEDAN, SERXWEBÛN,
Komîteyên Kurdistanî
û Sentrûmên Çandî yên Almanya,
Avusturya, Avustralya, Belçîqa, DYA, Danîmarka,
Fînlândiya, Fransa, Qibris, Qanada,
Lîbya, Swêd, Hollanda, Îspanya, Swîsre,
Îngilîstan û Yewnanîstan,
Yekîtiya Esnafên Fransa,
Botan Spor, Cûdî Spor, Dêrsim Spor, Amed Spor,
Serhildan Spor, Herekol Spor, Gabar Spor,
YJWK, YCK, YKWK, FED-KOM, PKK-KN,
ARGK-Qerargeha Bingehîn,
ERNK-Nûneriya Rojhilata Navîn,
ERNK-Nûneriya Tirkiye,
li ser navê Kurdên ku li Ewropa dijîn
-Mustafa Karasu, Kanî Yilmaz.
Li aliyê din
Serokê PKK'ê Abdullah Öcalan jî,
li ser mirina dayîka Esmaya Uveys mesajek belav kir.

welat

• Li ser navê ÎMC Basın-Yayın Ltd. Şti. (adına) Xwedî (Sahibi) Zübeyir Aydar
• Berpirsiyarê Giştî (Genel Yayın Yönetmeni) Abdullah Keskin • Berpirsiyarê Nivîsaran (Yazı İşleri Müdürü) Mazhar Günbat
• Navnîşan (Adres) Başmusahip Sok. Talas Han 16 Kat:3 No:301 • Tel (fax) 512 12 87
• Berpirsiyariya Ewropa • Postfach: 1531, 5300 Bonn 1, Germany • Tel: (49) 228-630990 • Fax: (49) 228-630715
• Berpirsiyariya Fransa: Amed Jemo • Rua G-401 92763 Antony Cedex France
• Çapkirin (Baskı) Metinler Matbaacılık • Belavkirin (Dağıtım) Birleşik Basın Dağıtım AŞ